


33664

III Kat. Komp.

Mag. St. Dr.







*8 XVII 466* *10 kof* *sy 3 XXV 30*  
**CHARACTER  
INDELEBILIS**

*Tento*  
Marte & Arte exercitatæ manûs

*Illustrem Notarium*

**STANISLAUM PACHOLOWIECKI**

Eâdem dextrâ quâ gesserat ensẽm, dextrè triginta characteribus efformantem  
literas, Illustrissimæ Ducum

*nec non*

Serenissimæ Regum Familiæ

**INSCRIBENS**

Sub Auspicijs

*Perillustrium Magnificorum Dominorum D:*

**JOSEPHI & FRANCISCI  
CIECIERSKI**

Magnæ Spei Filiorum,

*Perillustri Magnifici Domini D:*

**BALTHASARIS**

de Ciećierzyn

**CIECIERSKI**

Dapiferi Terræ Drohiciensis &c.

*in ipsa*

Coronide Anni Scholastici

A Perillustri Prænobili ac Magnifica Apollinea Juventute

Athenæi Drohiciensis Societatis JESU

Actu Metagymnastico ad imitationem

**PROPOSITUS**

Anno

Libri intus & foris æternæ Sapientiæ Characteribus inscripti 1726.

*11/05*



*In Avitum Insigne Perillustris  
CIECIERSCIANÆ DOMUS.*



BIBLIOTHECA  
VNIV. IACELL.  
CRACOVENSIS

33.664. III.

Zodiaci sphaeram Virgo \* tenet: Urfa Boote  
Nautis grata, *suo fidere vela regit.*  
Hæc dum Stemma refert Vestrum cælestia signa,  
Ergo notat quòd sit par DOMUS ista polo.  
\* Sol in Virgine Mense Augusto.





# DEDICATIO

**D**Ermittite sub ipsa cotonide Literarij ludi, cum violis rosifq; nato Nomini Vestro, pro sepia, eliquarâ de Pæstani Floræ liliectis cerussâ, Apollineo-literarios inscribi characteres. *Perillustres MM. DD. Dapiferidæ.* Concedite non perênaturis Cedris & auro, non Oebalijs de marmore sectis Porphiretis, docta incisos Phydæ manu, sed ad immortalis Gloriæ mnemosynon tenui inscriptos folio Aborigines Vestros, Palladis recensere Athenæis, factis memorandos in fastis, scholasticâ ludente pennâ, luci publicæ proponere. Etenim digni sunt, *in quorum plausum tota* *Ovidius* *theatra sonent*, ad quorum encomia erudita fudent ingenia! Florentinis digni calamis Maiores Vestri, à quorum Augusto Sangvine, sublimissimam non modo derivâstis Indolem, verû etiam nativo virtutis per illos dotati ac ditati Genio, eam maturè à teneris excelsæ mensuram



*Virgilius* porrexistis Gloriæ, verè *Juventus flos veterum*  
*virtusq; Virum*; quæ vos Illustrissimis editos  
indiceret Penatibus. Cernit quisq; limatiore pu-  
pilla, Vestris in animis illimes perennare Abo-  
riginum Manes, manere originalem Avitæ Do-  
mûs RAVITARUM magnanimitatem, quâ dū  
inter Podlachicæ Metropoleos Juventutis flo-  
rem, inter dicata prognatæ de Jovis cerebro  
Deæ excelsarum mentiū capita, cū inter ignes  
Luna minores cæteris præ ulgere videatis, iure-  
merito Vobis Pallas, indelebili caractere lau-  
dum inscribit præconia, pedissequos virtutum  
precatur Honores, antiquissimæ Domus Vestræ

*Claudius* proprios Honorijs. *Cepistis qua finiserat,*  
*primordia Vestra, qualia vix pauci prome-*  
*ruere senes*, omnis virtutis genere florentissimi  
Sive enim plenam intaminati Candoris Vestri  
spectemus mentem, sive imbibitam cum Juve-  
nili lacte demiremur in Superos pietatem, seu  
deniq; cæteras Animi intueamur dotes, com-  
pendium Vos esse omnigenæ virtutis inferemus,  
JOSEPHUM & FRANCISCUM Illos magnæ  
spei dicemus Filios, *quorum inest animo Pa-*  
*trij candoris Imago*. Jam verò quantis se

*Ovidius* tollat gloria rebus? quantus Vobis surgat Ho-  
not? à primæ magnitudinis Sideribus, CIE-  
CLERSCIANÆ Domus Aborigines liceat bre-  
viter, dicatæ Vestro Honori pennæ indicare a-  
strolabio. Domus Vestra, Pantheon quoddam De-  
orum est; in qua, quot affinis polo hucusq; Po-  
lonia censebat Nomina, tot Patriæ adorabat Nu-  
mina, pro Aris & focis Bellatores deveneraba-  
tur



tur Affricanos, in Comitijis à gravi Consilio Ca-  
 tones; in serijs cunctatores Fabios, In legationi-  
 bus eloquentissimos Lycurgos, pacis & belli tē-  
 pore invictos Alcidas; qui famâ super æthera  
 noti; dum vos Hæredes Illorum Gloriæ & vir-  
 tum supervivitis, vivunt pariter in Vobis,  
*complentq; vagis sermonibus aures.* Et in-<sup>Claud:</sup>  
 primis Magnus sui ævi Stator, Perillustri M:  
 D: de Ciecierzyn CIECIERSKI Tritavus Ve-  
 ster; cui per nuptiales tædas connubio iuncta  
 Perillustri Lavinia SOPHIA URZELOWSKA;  
 ea CIECIERSCIANÆ Domui invexit Sidera;  
 quæ perennaturæ Gloriæ accenderent meridi-  
 em, nullo occasû terminandum. Quid dicam  
 de Perillustri M. D. ADAUCTO CIECIER-  
 SKI Terrarum Drohiciensis & Mielnicensis  
 Vexillifero? Adauxit hic multo virtutum gene-  
 re florens: fidelitate in Patriam, pietate in  
 Rempublicam, amore in Cives, liberalitate in  
 Divos, Avitam Domûs Vestræ Gloriam, verè  
 Vir Nominis sui ADAUCTUS. Erigit trophæa,  
 triumphales nectit Laurus Mars Polonus invi-  
 cto Heroi STANISLAO CIECIERSKI Ata-  
 vo Vestro, illudq; ferreo stylo ad sæculorum  
 inarat memoriam: *similem illi nulla protu-  
 lit ætas, consilio vel Marte Virum!* Quan-<sup>Claud:</sup>  
 quam nec Perillustri M. D. THOMAS CIE-  
 CIERSKI Dapifer Terræ Drohiciensis Avus  
 Vester, minora meretur encomia, is postquam  
 cum HEDVIGE GODLEWSKA Judicis Ter-  
 ræ Nurensis Filia, iunxerat concordēs manu-  
 ra in fœdera dextras, postquam de stemmato-  
 gra.



grapho GODLEWSCIORUM liliato, mani-  
bus tulit lilia plenis, illicò in Domus Vestrae  
Florentiam, tot *fascibus insignes & legum*  
*culmine fultae, convenere Domus imo qui*  
*lectissimus* Orbi Polono *sanguis erat.* Ad-  
volarunt Aviti KUCZYNSCIORUM Alites  
plaulumq; dedere pennis; Triumphales exci-  
vere ignes OSSOLINIORUM bipennes. Ve-  
ri vestigia premens Honoris SUTKOWSCIO-  
RUM solea, eos CIECIERSCIANO Orbi  
accendit soles; quos saturnia quondam saecula  
& argentea sub Jove suspexit aëras. Quid plu-  
ra! Vestram Domum non lauro cessura WIERZ-  
BICCIORUM inumbravit ad serenitatem an-  
nosa Quercus, cæteraq; GOSTOMBSCIO-  
RUM, MEZYNSCIORUM, JABŁONOWSCI-  
ORUM, NIEMIRARUM, KUSZELORUM,  
BOGUCCIORUM, OLENDZCIORUM, SO-  
BOLEWSCIORUM Illustrissima Decora, totū  
vulgata per Orbem, à quibus quanta Honori  
Vestro assurgit Gloria! ex colligatis nexu san-  
guinis Familijs, colligant & decidant erudita  
universi Orbis capita. Apollo qui Vestro No-  
mini, immortalis Gloriæ votivos inscribit cha-  
racteres, iam ad Principale Sidus Perillustrem  
M. D. BALTHASARUM CIECIERSKI Da-  
piferum Terræ Drohiciensis Parentem Vestrū  
encomiasticum avocat graphium, librata in e-  
jus encomia evoluturus pennā. Hic enim com-  
pendium Gloriæ est Vestrae; qui quæ divisa  
beatos alios efficiunt, solus collecta virtutum  
in se concludit decora. Illum Metropolis Pod-  
lachi-



Iachica, in toga fidum labantis Patriæ Portito-  
 rem, in fago Marte & Arte boni publici ser-  
 vatores Camillum, probatum in Arcopagis  
 Delphicum Apollinem, certa oracula ferentem,  
 in legationibus ad Comitia Generalia Regni,  
 alterum Cyneam, ad Orbis universi deprædi-  
 cat admirationem. Lustravit is exteros soles  
 an verius sua præsentia illustravit, ubiq; uni-  
 versorum corda in sui amorem accendens. Ex-  
 tra Patriam profectus, patrios cum orthodoxa  
 Fide; non modo non edidicit mores, verum  
 conspicuô nitens virtutis splendore, eam u-  
 biq; post se reliquit Famam: quam *nec ven-  
 tura silebunt lustra, nec ignota rapiet sub  
 nube vetustas.* Et quia *in prolem transcur-  
 rit Gloria Patrum.* Vobis *Filij Corona Pa-  
 tris,* JOSEPHE & FRANCISCE tanta Paren-  
 tis Vestri militat Gloria. Quamquam nec à  
 Materno Sangvine Illustrissimæ de GEMBIC-  
 CIIS ANNÆ CIECIERSKA (*cuius per  
 fascēs numerantur Avi semperq; renata no-  
 bilitate virent*) medicam derivastis lucem.  
 Tullo enim procedens ab alto sanguis ejus, ma-  
 xima Poloni Orbis Decora CIECIERSCIANÆ  
 invexit Domûs Erythræ, nempe: Duces in Zba-  
 raz *KORYBUTHOS, SIENAWSCIOS, BEE-  
 ZECCIOS, SKOTNICCIOS, LUBOMIRIOS,  
 OPALINIOS, LIGEZIOS,* multaq; paris  
 Celsitudinis Nomina & felicitatis Phænome-  
 na. Crescite ergo tantis in immensum aucti  
 Parentum splendoribus! Patrio Orbi ad deco-  
 rem, par nobile Fratrum JOSEPHE & FRAN-

Claude

Idem

Idem



CISCE. Affulgete sæculorum coronati lustris  
& summis aucti Honorum splendoribus, Illu-  
strissimis Progenitoribus Vestris ad solatium!  
Hæc sunt vera, hi indelebiles cordium cha-  
racteres, quos inscribunt.

Devinctissimi  
**CIECIERSCIANO**  
Nomini & Honori Pal-  
lestritæ Apollineo-Dro-  
hiciensis Athenæi So-  
cietatis **JESU.**



# ARGUMENTUM.

**C**Orona sui Nominis, maximus Sapiëntum æstimator & Coronator Stephanus Bathori, Universo Orbi daturus documentum, etiam vicinæ Polo Poloniæ, erudita Virorum capita in pretio esse: Illustris Generis Nobili, de Armis Rownia, Stanislaò Pacholowieccio, Notario suo, qui triginta characteribus & totidem lingvis, dextrè efformabat literas, eximio Heroj in vim magnæ ingenij eruditionis & bellicæ fortitudinis (cùm eundem Sapiëntissimus Senator Joannes Zamoyscius, pro tunc Supremus Cancellarius Regni, ob eadem merita, in Familiam Illustrissimæ Sux Prosapiaæ adnumeravit;) unà cum Regni, Serenissima Domûs Bathoreana insignia confert & arma, ac singulari munit privilegio. Okolski tom: 2. fol: 553.

## P R O L O G U S.

**P**allas scientiâ florentem Genium Pacholowieccij, Nomine insignit Regum; Bellona verò in vim bellicæ dexteritatis, ferreo stylo Heròum inscribit Albo; cujus nomen dum delere Invidia nititur, vi ab utraq; Dea repellitur applaudentibus Genio Camænis illo Poëta semidisticho: Carior Ipso, nec Musis fVLt; aeterno neq; Vel Dignior æVo. Statius Achil: lib: 1.

## A P O D O S I S.

**F**ama Illustrissima Domûs CIECIERSCIANÆ, sago & toga, Marte & Arte præclaros Aborigines commemorans; omnes in Perillustri M. D. BALTHASARE CIECIERSKI Dapifero Terra Drohicieusis supervivere denunciat; Illamq; ab eruditione, sanis consilijs, exploratâ in legationibus dexteritate, vicinorum cum Gloria lustratione Regnorum, & alijs animi talentis deprecatur. Pallas verò excelsas animi dotes, magna spej Filiorum JOSEPHI & FRANCISCI dilaudat; paritèr illis metris: Carior Iphis nec Musis fuit &c. Supremosq; Ipsdem Dignitatum Honores, Character indelebili transcribit.

**S**ława Jasnie Wielmożnego Domu CIECIERSKICH, rownie w boju iak w pokoju; Męstwem Madrością zaleconych Antenatów, ku słymie y większey estymacyey ninieyszym wiekom przywodząc, wssytkich w Wielmożnym BALTAZARZE CIECIERSKIM, Stólniku Ziemi Drohickey wiekować deklarując; oraz wspaniały animus Iego, madrością zdrowemi radami, doświadczona wlegacyach przezornością, experiencya postronnych narodow od niegoż zlustrowanych, y innemi przymioty jasnieciacy depredykuie. Pallas zaś w młodym



wieku dożyła cnie, rostronit, wielkiej nadziei Synon 70.  
**SEFA** y **FRANCISZKA CIECIERSKICH** przekonanie, w ten  
 sens: Ktoby miał barziej sprzyiać, uczoney Palladzie, nad nich  
 lat godnych, w szkolney nie widzieć brygadzie. Niezgłozowa-  
 nym oraz charakterem najwyższe w Polsce zapisać Im Honory.

## ACTUS I. INTERLUDIUM.

*Scena Ima.* Ambidexter Marte & Arte Pacholowieccius, in castris Palla-  
 di vacans; dum Gemmas Mantuani more Vatis, suo volumini in-  
 serendas feligit; quò laudes trophæa Inuicti Monarchæ Stephani  
 recensabat, advertit suæ bibliothecæ, caecino-literarios inscriptos  
*Legen-* characteres: *Si lux es tibi lege libros exulis*, quibus animari se ad  
*dum* lectionem, Ovidij exulis Poëtæ interpretans, si lux esse velit Or-  
*retro.* bis Authorem diligenti versat manu, sed in eius hoc casu incidit  
 monostichon: *I, sicut faciles Musæ adhabitant In rypibvs* (b)  
*alibi*; quare operi coronidem impositurus, ad proximas Sylvarum  
 rupes secedit.

*Scena 2da.* Inter abdita Sylvarum, dum apis instar flores Poëtarum de-  
 libat, pariter advertit ut; *Caloque examina LVdunt* (c) nem-  
 pe mellilegæ volucres, Platonicæ quondam Vates eloquentiæ ap-  
 parent super ejus capitis verticem volitantes, à quibus faustum o-  
 men sumit, sed læta ejus à militibus è castris profugis raptòq; (d)  
 viventibus turbantur auguria, quorum se furori subducens, in Re-  
 gis castra properat.

*Scena 3ia.* Inuictus Stephanus Rex, acceptâ relatione, de fuga militum  
 è castris, pannico inter discordes animos timore (quem ej  
 Zamoyscius derulerat illo Vatis metro: *exoritur trepidos Inter*  
*Discordia Cives* (e) ut tantis malis obviam iret, mandat ad no-  
 titiam universis, erudito Pacholowieccio edictum varijs idiomi-  
 bus describere, unâ in illo causas suscepti belli, injurias à Moscis  
 Regno illatas exprimere, hacq; ratione ad fortiter agenda, pro  
 gloria gentis Polonæ, dejectos corde reaccendere Heroas. Quod  
 edictum ut citius perficiat, etiam Honorum præmia spondet, di-  
 cendo: *Scriptis Dabit Vr pretia M non Vile Laboris*. (f)

*Scena 4ta.* Dolosus Synon Sabinius, unus ex Ephebis Regijs invidiâ fre-  
 mens, dum ex unâ parte Pacholowieccij lingvarum peritiam, ex alte-  
 ra Regios trutinat favores, decidit lethali toxico eum tollere, vel  
 magis dolosis fraudibus in odium Monarchæ exponere: in quem  
 finem libellum à se quondam conscriptum (g) quò à bello revocaban-  
 tur

(b) Ovidius l. ult. trist. (c) Virgil: Geor. l. 4. (d) Vivitur ex  
 nepio Ovid. i. met. (e) Virgilius Æn: 12. (f) Claudianus. (g) libelli  
 Author Saba per castra sparsi memoratur à Cromero fol: 810.



tur Herodes, quasi is ejus Author esset Regi deferre statuit. Qui  
 dolus utrum succedat, adit Sylvanum consulturus, à quo audit:  
*Ibit immunis me Poëta tenet, à te opem si nummi tibi.* Dubiâ hac Legen-  
 responsione, quæ immunem Pacholovieccium, sibi verò nummis dum  
 opem quærendam canebat, non contentus, secundo de fato & retro  
 successu, sui & illius consulis reponente Sylvano; offeret ILLI reX  
 aqVILaM regni, *nobile Dentis onUs.* (h) lætum ergo pro le-  
 tho falso subintelligens, cum spe & lætitia boni eventus ad Regem  
 properat.

**Scena Sta.** Simulatâ ad fraudes mente, incusat Pacholovieccium Regi,  
 Authorem fuisse fugæ militum è castris, & libellorum sparsorum  
 per exercitus: Ad quæ Stephanus Rex primo succensus irâ tandem  
 mandat Zamoyscio Duci, Authorem sparsi libelli per castra in-  
 quirere. Satisfit mandato Regio, mittuntur literæ à Duce per  
 militem, adcitantes Regis Notarium in castra.

**Scena Sta.** Plenus fastu & astu Sabinius, obviat militi deferenti literas,  
 quem dum in suas partes precibus pertrahere nequit (revocatis  
 Sylvani dictis: *ibit immunis Ec. à te, opem si nummi tibi*) nummis  
 opem quærendam ratus; pretio & auro evincit ut literæ sibi mon-  
 strentur; quas præparato ad id veneno intoxicat, certus quod ab  
 attactu illarum Pacholovieccius sit casurus. Dat cautè manu ver-  
 sandas militi ad deferendum; quæ omnia spondet auro expugna-  
 ta avari militis fides.

## C H O R U S imus.

**G**eniū Pacholovieccij fessum;lectionit9 librorum, sub umbra lan-  
 ri quiescentē dolis irretire Odium & Invidia nititur, sed ut ad-  
 dictus quondam Minerva: PaLLadls aVXILls seMper stetlt VLIC-  
 ses (i) Ita hic Genius auxilio ejusdem immunis persistit, Eucharisti-  
 con sua Liberatrici persolvens.

## A P O D O S I S.

**E**X occasione huius, Genius Polonia, Aurea sua libertatis Tuto-  
 rem Perillustrem Dapiferum asserit, ac super excelsas Pyrami-  
 des, in vim gratitudinis aureo Nomen ejus ad perennitatem in-  
 scribit stylo: quod nec ventura fileant lustra nec ignota rapiat sub  
 nube vetustas. (k) Pallas vero Drohiciensis Nomina luci publica ma-  
 turescentium filiorum recensens, præcipue JOSEPHI & FRAN-  
 Cisci sua Pallestra dicata, ejusdem inarata obelisco, Perilustris  
 M.D. Nomini adscribit: Filij Corona Patris.

**G**eniuss Krolestwa Polskiego złotey wolności obrońcę Wielmo-  
 żnego Stolnika Ziemi Drohickiey być głosi, y na zawdzięczenie

C2

ku

(h) Martialis (i) Virg: Æn: 2: (k) Claudianus.



ku wiekopomney sławie złotemi Imię Jego na wspaniałych zapisuje obeliskach literę. Pallas zaś Drohicka 2 laty publicznemu Ojczyźny Swiatła wzrastające Imiona godnych Onegoż Synów depredykie, osobliwie iednak JOZEF A y FRANCISZKA Palladzie swej oddanych, na wyniosłych także obeliskow zapisane Porfirach. Nad Imieniem zaś W. I. M. P. Stolnika to przypisuje, Synowie Korona Ojca.

## ACTUS 2dus. INTERLUDIUM

*Scena 1ma.* Conscriptum ad mentem Regis, varijs lingvis edictum Pacholovieccius, Voynio Praefecto castrorum praesentat, sed cum exactissime descriptum audit; uterq; ad Regem tendit, quibus missus à Duce obviat miles, mandata cum literis deferens, sed hæc à Pacholovieccio non accipiuntur, asserente non esse necesse illis, cum earum contenta brevi à Duce quem adit innotescant sibi. Miles veritus ne in reditu literæ à Duce repetantur, scelusq; pateat, literas clandestine servat, dicturus se amisisse, sed cum incaute versat, in ipso ingressu castrorum sub conspectu Regis cadit, semimortua ingeminans voce illud: *Insignis, ne Mo sceleris pariter & felix Div* (1)

*Scena 2da.* Subitâ Rex contritus militis morte, in Pacholovieccium invehitur, tanquam libelli Authorem & funesti occasus Herojs, sed brevi innocentia (Voynio in testimonium occursum asserente militis) patescit. Senatores etiam iuste à Divina Nemese punitum inferunt (ex ultimo prolatis. *Insignis, nemo sceleris etc.* Libelli etiam sparsi per castra, cuius Author asserabatur, calumniam delet, tunc edicto exacte varijs lingvis exarato tum libro à se conscripto, quò laudes trophæa, victoriæ Regis & fortia gesta Polonorum recensabantur. Praefecto itaq; Rex obiter volumine, furore in favorem mutato Pacholovieccium aureo præmiat mucrone, cum lemmate. *Sanguine scribendum*, laureati Vatis titulum imponit. Pacholovieccio promissa impleri animadvertente! *Scripturis dabitur pretium &c.*

*Scena 3tia.* Tristis Sabinus de non successu doli, majores structurus, fingit astute coram Mieczynio (fido Achate Voynij) tumidum Vatem Regijs favoribus, ex condito cum Voynio vitæ ejus insidiari, spe obtinendæ ejus dignitatis, svadetq; ut mortem suam, morte Vatis Regij præveniat.

*Scena 4ta.* Mieczynius licet non statim, facile tamen fidem dictis præbens, milites suos ad mortem inferendam Pacholovieccio accendit, & inter Sylvarum rupes, ad quas ille Palladi vacaturus secedere

sole-

(1) Simon Anglus.



solebat, locat, descriptoq; habitu illius, illo Publij Maronis monosticho: *Inflens hV MerIs nltet arCVs & aVrea VatI CassI*. Da (m) ipse aliò gressus vertit.

*Scena Sta.* Astuta vulpes Sabinius, cupiens magis dolosis artibus irretire Duces sicq; odio & morti exponere Vatem, fingit pariter coram Voynio; eum cum Mieczynio violentas illi inferre manus velle, cuius cum discreditis; ad proximam eum Sylvam ducit, latentesq; monstrat excubias, quibus conspectis Voynius, revera sibi infidiari putans, Mieczynium prior vitâ privare statuit. Sabinius verò pro gratiosa præcautione (revera dolo) grates redditurus, præcavet ut pariter suæ consulat vitæ, denunciatur quippe brevi sententiam mortis in eum à Rege ferendam, eo quòd sciat eum fuisse Authorem libelli in castris sparsi. Territus hoc nuntio Sabinius consilium petit, cui datur, ut siquidem sciat Pacholovieccium in magnis favoribus esse apud Regem & Duces, similes eius vestitus sumat, sicq; oculos vigiliarum fugiens eludat. Placet consilium, nec mora digrediuntur.

### C H O R U S 2dus.

**U** Traq; hastata Dea, Casarem ex utroq; Marte & Arte Gennum Pacholovieccij, Genio Poloniæ commendant quem ille (prælecto quòd Palladis clypeus aureis literis referebat semidisticho: *Sapientis, IngreDitVr, LaVrosqVe gerens & fLorea fertls teMpora VInCta, nltent* (n) immarcescibili Coronat lauro, & auream illi ad Honores Fortune referat portam.

**I** Am verò Genus Podlachia ad laureas & aureas natam Domum CIECIERSCIANAM cydares esse Pantheon DEORUM asserit, in quo; quot Colligatarum Familiarum Nomina, tot Numina Jovem de sanguine ducentes Dmos recenset, nempe: GEMBICCIORUM, NIEMIRARUM, KUSZELORUM, URZELOWSCIORUM, LITTAUTORUM, SŁUPECCIORUM, BONCZALSCIORUM, CHREPTOVICIORUM, ŻALIWSCIORUM, SKIŃWSCIORUM, OBORSZCIORUM, GASTOMSCIORUM, MEZTNSCIORUM, ŻABŁONOWSCIORUM, GODLEWSCIORUM, KUCZTNSCIORUM, SOBOLEWSCIORUM, BOGUCCIORUM, OŁĘDCIORUM, BYKOWSCIORUM, &c. parvis Gloria sidera; quibus inter sonoros concentus Palladis applaudunt Camena.

**G** Eniusz Podlaski Laurow y Koron Dom, godny CIECIERSKICH Panteonem być mieni, w którym ile się liczy z Kolligowanych Familyj Imion, tyle Prześwieatnych Jowisza Krwia się

D

tyka.

(m) Virgilius Aeneid II. (n) Claudianus.



rykajacych Osob, owych to. GEMBICKICH, NIEMIROW, RU  
SZLOW, URZELOWSKICH, LITAUTOW, SLUPECKICH,  
BONCZALSKICH, CHREPTOWICZOW, ZALIWSKICH,  
SKIWSKICH, OBORSKICH, GASTOMSKICH, MEZYNSKICH,  
y innych niemnieyszych Domow, ktorych uczone Kameny swemi  
Stawia koncerty.

## ACTUS 3<sup>tius</sup>. INTERLUDIUM.

*Scena 1<sup>ma</sup>.* Voynius, longius latens sub corde vulnus non valens susti-  
nere, indolet suae infelicitati coram Rege & Ducibus, Mieczyni-  
um suae vitae deferens insidiatorem. Hic contra se potius ab eo  
in mortem quæri asserit. Rex subito motos inter Heroës cupi-  
ens discordiæ componere fluctus, de testibus exquirat; sed dum u-  
nanimi voce, uterq; Sabinium citat, doli ejus & fraudes patefcunt.  
simulq; libellorum per castra spariorum Author fuisse Regi defer-  
tur, quare justissimus Rex, omnium consensu sententiam fert mor-  
tis, ac Mieczynio ejus mandat executionem.

*Scena 2<sup>da</sup>.* Assumpto simili habitu Vatis Regij Sabinus, proximus fu-  
gæ timore mortis concutitur, tandem resumpto animo, dum au-  
dacter Sylvas ingreditur, abisdem militibus, quos ex ejus motivo  
Mieczynius in insidijs locaverat capitur: qui ex descriptione sibi da-  
ta Ducis. *Insistens humeris etc.* Et libellis penes Illum inventis reve-  
ra Pacholovieccium putantes (frustra illo deprecante & nummis  
lopem quærente) occidunt, ubi semimortuâ voce verificari Sylva-  
ni Dij oracula profert *ibit immunis &c* (Pacholovieccio illa appli-  
cans) seroq; intelligit repetens verba militis *in signis nemo scelestus*  
*&c.* non lætitiâ sed certâ mortem Deos sibi præfagisse illis  
verbis: *expecta lethum &c.*

*Scena 3<sup>ia</sup>.* Mieczynius cernens se graviter delusum à Sabinio, ut ab  
innocentis Pacholovieccij cæde milites suos retrahat, ad Sylvarum  
abditâ properat, ubi à militibus de peractâ iam cæde relationem  
accipit (terrâ tristâ hoc nuntio monstrari sibi cadaver jubet,  
ex quo dam occultum Sabinium cognoscit, tristâ pulsâ nube, lætus  
hoc errore ad Notarium Regis properat, veniam precaturus ei  
aliquando intentatæ necis, quem & obvium habet, sed vix in mû-  
tuos amplexus raunt, cum subito ad arma classico intonante in  
castra revocantur.

*Scena 4<sup>ta</sup>.* Zamoyscius Dux post longam obsidionem, ultimis viribus  
expugnaturus Plescoviam, jubet undiq; vi & armis instare exercitus,  
partem copiarum ad succendenda mœnia, partem ad effringendas  
urbis portas ordinat, quæ omnia dum strenuè geruntur, animad-  
vertit Dux, inter Polonos Heroas Nobilem Stanislaum Pacholovie-  
cki



cki bellicâ dexteritate cæteros antecellere, qui Regio mucrone lē-  
ma referente: *Sanguine scribendum* cruentos characteres plurimis  
hostium inarabat cervicibus, primusq; vi & armis effractis portis  
occupaverat arcis mænia, repræsentantibus scenam hanc umbris.

*Scena Sta.* Victor Zamoyscius expugnatâ Plešcoviâ in castra revertitur,  
vix non una cum illo Magni Basilij Legati, pacem petituri ad Re-  
gem Stephanum veniunt. Hos Rex de more liberæ gentis susce-  
ptos, & saltu recreatos, formato ab utraq; parte ad certum tem-  
pus armistitio, liberè dimittit.

*Scena Sta.* Acceptâ Stephanus Rex à Ducibus relatione, de strenua nō-  
nullorum Polonæ Gentis Heroum animi dexteritate, virtutem illo-  
rū præmiat, Pacholovieccio vero, immuni à dolis Sabinij & belli ca-  
sibus ut fata canebant *Ibit immunis* &c. in vim singularis bellicæ for-  
titudinis, quæ in bello cum Moëis enituit, & probatæ tot lingua-  
rum peritiæ (dum eundem Illustrissimus Joannes Zamoyscius suæ  
Familix adnumerat) singulare daturus præmium, Aquilam Re-  
gni & Serenissimæ Domûs Bathoreanæ insigne nempe dentes lu-  
pinos in Stemma concedit, cum singulari privilegio. Quod dum  
Pacholovieccius sumit, se ex illis verbis. *Si lux es* &c. (ut quon-  
dam lux Vatum Ovidius sub Augusto) lucem sub Stephano Re-  
ge Sarmatico Orbi ab Illustrissimis Ceris, quibus adnumeratus est  
infert, ubi etiam Sylvani implentur oracula: *offeret illi Rex A-*  
*quilam* &c. Rex verò ex occasione Marte & Arte exercitati Va-  
tis sui Polonæ Juventuti prorunc præsentī digna Cedris & auro in-  
culcat verba: *Disce latine* & ego ex te aliquando faciam *Mosci*  
*Panie.*

## E P I L O G U S.

**G** Enius Litvano Podlachici Drohicieusis Atſheni Literaria In-  
ventæ sapientiæ & fortitudine conspicuum Genium Pacholo-  
vieccij ad imitationem proponit, illoq; Vatis disticho:

Discite Lechiadæ conjungere Pallada Marti,  
Nominis & Vestri Gloria præpes erit.

*Ad sollicitum Virtutis & scientiarum excitat studium. Pallas*  
*verò indelebili charactere suo Albo inscriptos, altiori gradu præmia-*  
*tura, à vocali fama Nomina eorum promulgari jubet. Et impri-*  
*mis Perillustres MM. DD. JOSEPHUM & FRANCISCUM*  
*CIECIERSKI Dapiferidas Drohicieusis, altiori donat gradu, ap-*  
*plaudentibus Iisdem pro coronide Camænis.*

Ad

M. D. T. O. M. G. B. V. M. S. L. O. C. H. S. P. I. & S. F. X.  
Cultum & Venerationem.



BIBLIOTHECA  
VNIV. JACELLI  
CRACOVIENSIS



Biblioteka Jagiellońska



stdr0025418



